

**REZIMEI PODRŽANIH PROJEKATA
FOND ZA MLADE**

**Javni poziv za podršku projektima omladinskih organizacija i neformalnih grupa mladih
Broj poziva: 2 – FM – 1/2023; Broj protokola: KP-II-11/23**

Aplikant: Neformalna grupa mladih osoba s invaliditetom Čelić

Naziv projekta: Od inkluzije do zdrave sredine i okoliša

Odobreno sredstava: 1.705,00 KM

Projekat "Od inkluzije do zdrave sredine i okoliša" sadržan je od nekoliko aktivnosti koje imaju za cilj očuvanje prirode i okoliša te poboljšanje kvalitete života osoba sa invaliditetom. Aplikanti prvenstveno žele obilježiti Dan planete Zemlje šetnjom, kampanjom i sadnjom oko 150 sadnica u parkovima i šetalištima. Nakon toga je planirano organizovanje i održavanje Mis mladih i djece i mladih sa invaliditetom kako bi povećali broj zabavnih sadržaja za mlade i radili na poboljšanju inkluzije. Naredna aktivnost je organizovanje društvenih, sportskih i zabavnih aktivnosti za mlade iz Čelića kako bi ih potaknuli da svoje slobodno vrijeme provedu na svježem i zdravom zraku. Posljednja aktivnost jesu radionice i edukacije iz oblasti saobraćaja i učešća osoba sa invaliditetom u saobraćaju, radionica o zapošljavanju te jednodnevna obuka pletenja; kroz ove aktivnosti žele poboljšati vještine i kompetencije učesnika. Potraživanja u budžetu odnose se na: Vuna za pletenje (270,00 KM); Makaze (75,00 KM); Igle za pletenje (90,00 KM); Sadnice (300,00 KM); Rukavice (20,00 KM); Set vrtnog alata (60,00 KM); Bluetooth zvučnik (350,00 KM); Blok za pisanje i hemijska (90,00 KM); Osvježenje (450,00 KM).

Aplikant: Udruženje građana „Kaskader produkcija“ Živinice

Naziv projekta: CascadAir III: Multimedijalni festival

Odobreno sredstava: 3.000,00 KM

Projekat "CascadAir III: Multimedijalni festival" ima za cilj okupiti mlade i talentovane umjetnike iz cijelog svijeta kako bi zajedno promovisali multikulturalnost, razmijenili iskustva i radili na razvoju umjetnosti. Multimedijalni festival se organizuje već tri godine u Živinicama i svake godine privlači sve veći broj mladih ljudi i umjetnika. Festival se sastoji od raznih umjetničkih disciplina, uključujući muziku, ples, slikarstvo, film i edukaciju te radionica i predavanja koja omogućavaju učesnicima da nauče nove vještine i da upoznaju druge umjetnike

Aplikant: Vijeće mladih općine Gradačac

Naziv projekta: Omladinski EKO kamp AKTIVKULT 2023

Odobreno sredstava: 2.925,00 KM

Projekat "Omladinski EKO kamp Aktivkult 2023" ima za cilj podizanje svijesti mladih sa područja Grada Gradačac o očuvanju okoliša te promociju aktivizma i volonterizma. Tokom kampa planirana je realizacija 2 edukativne radionice (ekologija i odgovoran odnos prema prirodi). Naredna aktivnost kampa jeste ekološka akcija čišćenja izletišta Popovača, te kreiranje tabli sa porukama o očuvanju javnih površina. Nakon toga



slijede aktivnosti koje se odnose na pripremu, organizaciju performansa vezanog za obilježavanje Međunarodnog dana mladih tokom kojeg Vijeće mladih Gradačac želi skrenuti pažnju probleme sa kojima se susreću mladi. Stečeno znanje na edukacijama mladi će iskoristiti kako bi tokom kampa pokrenuli inicijativu vezanu za nelegalne objekte na jezeru Vidara, koji su veliki izvor zagađenja jezera i okoliša. Finalizirana inicijativa bit će upućena prema Gradskom vijeću Gradačac. Potraživanje u budžetu se odnose na: Hranu za učesnike (1250,00 KM); Osvježenje (300,00 KM); Flipchart papir (150,00); Papir A4 (100,00 KM); Flomasteri (50,00 KM); Hemijske (50,00 KM); Majice (400,00 KM); Diplome i zahvalnice (100,00 KM); Metalne table s postoljem (100,00 KM); Vreće za smeće (50,00 KM); Rukavice (175,00 KM); Kolica (200,00 KM).

Aplikant: Udruženje mladih BaUM Banovići

Naziv projekta: Sportski život mladih

Odobreno sredstava: 2.999,98 KM

Projekat "Sportski život mladih" uključuje 3 radionice za mlade, dva turnira za mlade i mini kampanju. Radionice se tiču zdrave ishrane i bavljenja sportom, očuvanja psihičkog i fizičkog zdravlja te uticaja stresa na fizičko zdravlje; iste bi bile održane u MSŠ Banovići. Nakon radionica planirani su turniri u fudbalu i odbojci na koje bi bili pozvani svi mladi iz Banovića. Realizacija ovih aktivnosti će biti snimana kako bi se uz pomoć tih videa kreirala kampanja kako bi promovisali sportski duh i zdravije stilove života. Projekat ima za cilj motivisanje mladih za učestvovanje u sportskim aktivnostima, te poboljšanje psihičkog i fizičkog zdravlja. Potraživanja u budžetu odnose se na: Bankovne troškove (66,00 KM); Troškovi prevoza (118,60 KM); Koordinator projekta (415,08 KM); Osvježenje (340,00 KM); Hrana (363,80 KM); Fudbalska lopta (179,49 KM); Odbojkaška lopta (141,21 KM); Lopte za nagrade (256,38 KM); Fotoaparat (899,00 KM); Promo materijal (52,20 KM); Pehari (128,22 KM); Printanje zahvalnica (40,00 KM).

Aplikant: Omladinska organizacija ZAMBAK Čelić

Naziv projekta: Afirmacija mladih kroz sport

Odobreno sredstava: 2.986,00 KM

Omladinska organizacija Zambak projektom "Afirmacija mladih kroz sport" ima za cilj doprinjeti razvoju društvenih aktivnosti i položaja mladih na području općine Čelić te obrazovati zdrave generacije koje će znanja stečena kroz sport primijeniti na različita životna polja. Prvenstveno je planirano istraživanje o korištenju slobodnog vremena (upotreba telefona, bavljenje sportom, korištenje usluga kladionica). Popratna aktivnosti istraživanja su: edukacije o zdravoj ishrani, edukacije o bolestima ovisnosti, trening pravilnog usmjeravanja energije odnosno samokontrole i razvoja natjecateljskog duha, testiranje psihofizičke spremnosti, sportski turniri (odbojka, stoni tenis, basket, fudbal). Na ovaj način bi povećali broj mladih koji se bave sportskim aktivnostima, unaprijedili bi socijalizaciju te doprinjeli psihofizičkom razvoju mladih. Potraživanja u budžetu se odnose na: Profesionalni edukator o zdravoj ishrani i zdravom načinu života (200,00 KM); Promotivni letci (190,00 KM); Nagrade za najuspješnije u psihofizičkom testiranju (120,00 KM); ID trakice sa bedževima udruženja i sportska boca sa logom za učesnike psihofizičkog testiranja (550,00 KM); Medalje za prva tri mjesta na turnirima (144,00 KM); Angažman sudija (300,00 KM); Markiranje terena za basket - boja (50,00 KM); Pehari za futsal za prva tri mjesta (60,00 KM); Reklami promo pult (280,00 KM); Majice za organizatore (260,00 KM); Naknada za istraživače (192,00 KM); Promocija na društvenim mrežama (160,00 KM); Kopiranje radnog materijala (20,00 KM); Promo materijal - akreditacije, kačketi, cegeri (460,00 KM).



Aplikant: NG Tim mladih CK Kalesija
Naziv projekta: Klimatske promjene
Odobreno sredstava: 2.975,00 KM

Projektom Klimatske promjene "NG Tim mladih CK Kalesija" želi unaprijediti znanje mladih o klimatskim promjenama te potaknuti bolji odnos prema prirodi i zajednici. Aplikanti dodatno žele raditi na unapređenju vještina mladih, poticanju saradnje i timskog rada u kriznim situacijama te razvijanju empatije. Projektne aktivnosti obuhvataju realizaciju četverodnevno kampa pod nazivom "Klimatske promjene" tokom kojeg će biti razrađene teme vezane za šumske požare, klizišta, poplave te izgradnju zdravog i kvalitetnog okruženja. Drugi dio aktivnosti kampa usmjeren je na poboljšanje psihosocijalne podrške i otpornosti u kriznim situacijama. Nakon kampa planirano je održavanje pokazne vježbe koja će oslikavati stvarne krizne situacije kako bi se utvrdila znanja i vještine usvojene na kampu. Tokom svih aktivnosti radit će se promocija i informisanost građana o navedenim temama i aktivnostima. Potraživanja u budžetu se odnose na: Osvježenje za sastanke tima (30,00 KM); Hrana za kamp (1800,00 KM); Osvježenje (150,00 KM); Privjesak sa dizajnom (60,00 KM); Izrada majica za učesnike i edukatore (420,00 KM); Izrada majica za pokaznu vježbu (95,00 KM); Olovka sa dizajnom (40,00 KM); Rokovnici sa dizajnom (340,00 KM), Akreditacija (40,00 KM).

Aplikant: Nefromalna grupa "Klub mladih Tignum"
Naziv projekta: Stres i anksioznost: savremena bitka koju možeš dobiti
Odobreno sredstava: 1.040,00 KM

Klub mladih Tignum ovim projektom ima za cilj pomoći mladima sa Tuzlanskog kantona i omogućiti im adekvatnu pomoć i edukaciju na temu mentalnog zdravlja. Projekat će obuhvatati niz radionica o mentalnom zdravlju fokusirajući se na stres i anksioznost kod srednjoškolaca/ki, te kreativnu radionicu koja će se bazirati na izražavanje i ispoljavanje potisnutih emocija na papir - kroz crtanje. Na kraju je planirano snimanje video snimaka koji će govoriti o samom projektu i promovisati priču o mladima koji su odlučili da govore o svom mentalnom zdravlju. Kroz ove aktivnosti se želi postići destigmatizacija ove teme. Radionice će voditi stručnjaci iz oblasti psihologije. Potraživanja u budžetu se odnose na: Materijal za kreativnu radionicu - platno (100,00 KM); paleta (40,00 KM); Tempere (100,00 KM); Četkice (60,00 KM); Hrana i osvježenje (300,00 KM); Certifikati (40,00 KM); Sveske i olovke za učesnike (100,00 KM); Materijal za psihološke radionice - papir, flomasteri, stikeri (300,00 KM).

Aplikant: Omladinski resursni centar Tuzla
Naziv projekta: Moj zeleni otisak
Odobreno sredstava: 1.485,00 KM

Projekat "Moj zeleni otisak" ima za cilj podići svijest mladih o ekologiji i globalnom zagrijavanju, Prvenstveno planiraju online anketiranje te bi na osnovu rezultata ankete bila kreirana online kampanja. Potom je planirana organizacija uličnih akcija sa Omladinskim pokretom Revolt, gdje bi kroz plakate i poruke "buđenja" pokušali potaknuti lokalnu zajednicu da kvalitetnije brine o efektu svojih svakodnevni akcija. Druga ulična akcija bila bi usmjerena na razgovore sa građanima o ekologiji i očuvanju prirode, a tom prilikom bi građanima bile podijeljeni paketi (eko ceger, višekratna flašica za vodu, led sijalice i kartonske slamčice za piće) Naredna aktivnost jeste saradnja sa UH Dorrah, gdje žele potaknuti mlade studentice da reciklažom doprinesu zaštiti okoliša. Na kraju bi bio održan "Dan društvenih igara" kako bi mladi proveli slobodno vrijeme uz društvene igre, bez upotrebe električne energije i uređaja. Ovom aktivnošću žele



naučiti mlade da za zabavu nije uvijek potrebna tehnologija. Potraživanja u budžetu se odnose na: Osvježenje (175,00 KM); Eko paketi za građane (750,00 KM); Naknada za koordinatora (200,00 KM); Štampa plakata (40,00 KM); Štampa certifikata i zahvalnica (75,00 KM); Štampa stikera (50,00 KM); DM poklon bon za Dorrah akciju (30,00 KM); Društvene igre (40,00 KM); Administrativni troškovi (45,00 KM); Grickalice (50,00 KM); Eko cegeri za prikupljanje flašica u toku Dorrah akcije (30,00 KM).

Aplikant: Udruženje mladih žena GirlTHing

Naziv projekta: Osnaživanje STEM studentica: inicijativa zaštite mentalnog zdravlja

Odobreno sredstava: 3.000,00 KM

Ovaj projekat ima za cilj povećanje znanje i svijesti o mentalnom zdravlju među studenticama u STEM oblastima, kao i da ih osnaži na individualnom, grupnom i nivou zajednice. Projektne aktivnosti se odnose na organizaciju 2 psihoedukativne radionice tokom kojih će studentice raditi na definiranju svojih stavova, vrijednosti, postavljanju granica, predstavljanju u poslovnom i privatnom okruženju. Potom je planirana organizacija tri psihoedukativna treninga o razvoju samopouzdanja i samopoštovanja, samoprihvatanju i samopromociji. Trening ima za cilj potaknuti studentice da se uključe u inicijative i projekte koji će im omogućiti sticanje novih znanja i vještina. Posljednja aktivnost jeste snimanje i montaža edukativnog videa kojim se želi smanjiti stigma oko problema mentalnog zdravlja i traženja pomoći. Potraživanja u budžetu se odnose na: Naknada za certificiranog geštalt terapeuta 889,50; Osvježenje i grickalice (400,00 KM); Certifikati (75,00 KM); Facebook sponzorisanje (100,00 KM); Notesi (300,00 KM); Snimanje i montaža videa (300,00 KM); Bankovni troškovi (90,00 KM); Potrošni materijal za radionice (63,50 KM); JBL Zvučnik sa mikrofonom (782,00 KM).

